

吳門園墅文獻卷一

談叢



勾吳 范廣憲 君博輯

顧辟疆園

相傳東晉時王獻之入會稽經吳門先不識主人值
辟疆方集賓友酣宴園中而獻之游歷既畢指麾好
惡傍若無人辟疆勃然曰不足齒之僉爾使驅其左
右出門獻之獨坐輿上展轉顧望而僕從不至遂移
時蓋獻之之肆辟疆之隘也查該園為顧辟疆所築
見於題詠者甚衆唐時顧况嘗假以居郡守贈詩云
辟疆東晉日竹樹有名園年代更多主池塘復裔孫
李白詩云柳深陶令宅竹暗辟疆園又陸羽詩云辟

疆舊林園怪石紛相向陸龜蒙詩云吳之辟疆園在
昔勝概敵皮日休詩云更葺園中景應為辟疆園據
說址在西米巷中郡署東偏舊有五顯廟繼為府廡
後半為大覺寺明代郡守况鍾曾在此間憑吊撰成
辟疆館記碑因改為况公祠現已更名西美小學矣
講起吳中園林史上最古者當以辟疆園為首初今
園雖廢而名猶存蘇州既稱花園之城不得不參考
載籍探撫舊聞流風未泯則此園庶幾有取也事有
缺略猶當刊補其詩文別為吳中園林清韻云

任晦園

為有唐涇尉任晦所建或云即顧辟疆園據任兆麟

記載實在潘儒卷任敬子祠旁東為任氏園因建祠
一面至周通橋南元時潘元紹為別宅明屬徐姓徐
某受木樨多種桂樹並築桂花廳墻壁析柱盡刻木
樨宅屢易主程觀察廕桂陳刺史晉戴太史葆瑩先
後居之今以任祠拆遷另闢新路所謂任晦園早無
痕跡可尋讀皮陸詩有深林曲沼危亭幽砌而任君
棄涇縣尉歸居其間不勝感慨係之矣

按任晦仕為涇縣尉退居里中有深林曲沼危亭
幽砌池中又為島嶼修篁嘉木掩映隈奧晦資高
放寡合好奇樂異喜文學名理之士得顧辟疆舊
圃以居云

南園

自廣陵王錢元璩帥中吳好治林園於是醜流以為
沼積土以為山島嶼峰巒出於巧思求致異木名品
甚多比及積歲皆為合抱亭宇臺榭值景而造所謂
三閣八亭二臺龜首旋螺之類名載圖經蓋舊物也
錢氏去國此園不毀宋長洲宰王禹偁詩云他年我
若功成後乞取南園作醉鄉乃玩而愛之之至也或
傳祥符中作景靈宮購求珍石郡中嘗取於此以貢
京師其間樓榭歲久摧圯呂濟叔嘗作熙熙堂厥從
守將亦加修飾所存之亭有流杯四照百花樂豐菴
雲風月之目每春縱士女游覽以為樂在大觀東蔡

京罷相欲東還詔以南園賜之京即以詩贈親黨云
八年帷幄竟何如更賜南園寵太師堪笑當時王學
士功名未見便吟詩京遽以無功名誚禹偁不知元
之雖終被黜其名與天地同不朽元長居相位廿載
又處師垣之尊至今雖三尺之童唾罵不已其賢不
肖為何如也

金谷園

相傳為廣陵郡王錢元璪所築地址在三太尉橋西
間其諸子各治園第此橋之西巷蓋其三子文暉所
營治也今皆為居人占籍焉據九國志云元璪治蘇
州頗以園池花木為意朔南園東園及諸別第奇卉
異木名品千萬今其遺迹多在居人之家其崇岡清
池茂林珍木或猶者此園殆亦諸別第之一歟

滄浪亭

在城南四周積水數十畝傍有小山高下曲折與水
相縈帶門前石橋相通相傳舊為廣陵王錢元璪池
館或云為中吳軍節度使孫承佑別墅至宋慶曆五
年公元一千零四十五年為蘇長史舜欽所得傍水
構亭取名滄浪歐陽修曾有詩云清風明月本無價
可惜只賣四萬錢從此著名長史卒為浦城章子厚
惇相國所有纍石疊山雄觀一時紹興間復歸韓蘄
王世忠改名韓園由元至明幾成廢墟迨嘉靖時改

為僧居妙隱庵望衡對宇當時奉安胡可泉鑽宗郡
守將妙隱庵改建為韓蘄王祠文瑛和尚亦在大雲
庵旁築滄浪亭清康熙間漢軍鑲藍旗人王純墩新
命撫蘇又建蘇公祠繼有商邱宋牧仲帶冢宰復構
亭山巔增建自勝軒觀魚處步碕諸勝道光七年長
樂梁萑林章鉅中丞重加修葺咸豐十年兵燹廢同
治十二年巡撫張振軒樹聲復興滄浪亭並構明道
堂五百名賢祠靜吟亭看山樓即心石屋翠玲瓏館
清香館聞妙香室面水軒諸勝民國歲次丁丑秋中
中日事變起蘇地淪陷亭館傾圮及辛巳春崇明高
冠吾釅資議葺鳩工庀材歷時兩月費三萬五千餘
元而成公元一千九百五十三年由蘇州市人民政
府重點修建收歸市有以迄於今

五畝園

在城西北隅西大營門據謝綏之家福五畝園小志
云為漢張長史植桑地惟查長史姓名有張肱張霸
張業張宏張嘉諸說未知孰是宋熙甯間公元一千
零六十八年至一千零七十七年止梅宣義始就其
地築臺治園紹聖中公元一千零九十四年至一千
零九十七年止太師章質夫業又拓地營造桃花塢
別墅多栽桃李郡人藉此游春明末婁縣諸生呂貞
九憂復築采香庵小桃源於其中庵介梅章兩家別

業雲逸能詩結吟梅社以延客社中梅子采南章子
詠華效流觴曲水故事庵其庵前雙魚放生池以通
五畝別業之雙荷花池桃塢別業之千又潭當建炎
庚戌二月廿六日兀术陷城雲逸猶駕瓜皮艇容與
楊柳隄畔守堞兵散招之使渡雲逸奮起令結寨守
兩日忽慨然曰毋苦衆生也自投雙魚池死兵遂潰
兀术遂踞寨宴諸酋於天半樓而章婢碧桃紅豆相
繼隨詠華殉難三月朔始出閭門去初三日諸軍凱
旋寨中慶雲庵旃檀庵報恩寺楊柳樓臺張家祠劉
家祠梅園章園孫園蔡莊以寇巢燬婦女二萬餘人
以從寇籍蔡隆興倡義陸河中男屍五千餘女屍十

一萬一千餘暴露男屍六萬二千餘女屍二萬五千
餘火化男女骨十五萬七千餘贖田營妓二千三百
餘人周宣撫臨以通寇駢於市里人於蔡莊築庵祀
之宋末某公主流徙平江遂歸軍官張聿然即世傑
族子既鼎革隱居築采香庵於東荷池畔公主削髮
為尼改名靜順道人結茅於西荷池側嗣有梅氏姊
妹為達魯百花所逼毀容依之築庵於寄茅故址清
修梵行未一年同時化去庵西鴛鴦亭址元季
張士誠據吳城屯軍於演武場闢大營門至正廿六
年十一月癸卯明將徐達圍平江達軍葑門常遇春
軍虎邱郭子興軍婁門華雲龍軍胥門湯和軍閭門

王弼軍盤門張溫軍西門康茂才軍北門耿炳文軍
城東北仇成軍城西南何文輝軍城西北四面築長
圍因之不能下廿七年二月徐達檄俞通會兵通與
吳軍戰於滅渡橋搗桃花塢中流矢死六月士誠親
帥銳士突圍出西門搏戰將奔常遇春軍遇春分兵
北濠絕其後而別遣兵與戰士誠大敗人馬溺死沙
盆潭者甚衆九月平江圍急辛巳明諸將破封門常
遇春破閻門入士誠被擒乙丑至建康自縊死吳地
平居民安堵如故改平江路曰蘇州府以在城四隅
分隸吳長洲兩縣吳轄西南西北二隅長洲轄東南
東北西隅置江南行中書省以制之吳良自江陰移

守本府洪武元年朱元璋怒蘇民為張士誠守盡籍
其功臣子弟莊田入官後惡富民豪並坐罪沒入田
產皆名官田並頒官民田賦凡官田畝稅五升三合
民田減二升重租田八升五合五勺沒官田一斗二
升其後連年水災雖議蠲緩而重額不改知府金綱
為民請減田賦竟賜死建文二年二月詔曰國家有
惟正之供而江浙賦獨重蘇松官田準私租起科時
以懲一時頑民豈可為定則以重困一方宜悉與減
免畝不得過一斗行之未久成祖朱棣盡革建文之
政而賦額復重至宣德正統間始屢詔減蘇松浮糧
巡撫周忱知府况鍾之力也嘉靖間夏介若碑記云

桃花塢吳門最勝處也臺榭花竹園林蔬圃號稱極盛入大營門數百步過雙魚池遶西而進有地一方深廣二畝餘四圍流水界絕塵境又塢中最勝處里人陳蒙輩建周神祠於上明季婁縣諸生呂貞九築小桃源於采香庵後為退隱地會鼎革出家為黃冠清順治辛卯居清真觀禱雨遣祟靡不驗己亥入妙高峰辟穀經年游終南歸居靈巖甲辰五月望手書一詩而逝乾嘉間廢為菜圃有梅姓者來自江右訪祖墓於園西人始識其舊址掘地得五畝園桃花塢碑記十餘種皆宋賢撰著又得觀音峰百靈臺諸怪石高逾尋丈葉氏遂購其地於呂小築園亭仍宋

明時梅塢更好軒雙荷花池碧藻軒寄茅廬拜石堂桃花塢旃檀庵桂香精舍走馬樓鴨欄橋漁家街楊柳堤采香庵小桃源諸故稱祝元文為作碑記道光時葉氏子好結客日游宴其中人稱葉家花園咸豐初公元一千八百五十一年家以中落鬻於潘氏十年庚申遭兵燹光緒十五年公元一千八百八十九年以其地捐歸文昌宮輪香局後面有翁媪墓翁姓童媪氏李以保守園址有功乃葬之尚有七人墓據虎穴間見錄云庚申之難何姓一家因其女不肯為人屈辱闔門七口皆投井而死哀哉與翁媪墓同時築之謝家福作墓誌

同樂園

為宋代朱勛所築俗稱朱家園在盤門內孫老橋元至正中為廬山陳汝秩汝言昆仲購得取杜詩名園依淶水句更為淶水園有來鴻軒清冷閣蘿徑等名明高季迪啓為之序明末崇禎間其址為吳縣張世偉孝廉所得改闢泌園閉戶著書完成耿耿孤忠所寄託之異齊集清季宣統中有崇明童友蓮葉庚退隱寓蘇與其妻祝梅君唱隨其中尤喜骨董金石兼擅書畫曾收集古鏡百餘面構百鑑樓乃著曉巢鏡影一卷但雲烟逸忽滄桑瞬變今過其地便生人琴之感矣

隱圃

在靈芝坊即今范莊前為宋時蔣希魯堂太守所築有巖扁水月庵煙蘿亭風篁亭香巖峰皆極登臨之勝嘗宴賓客以詩篇為樂范貫之師道龍圖賦詩贈之按堂宜興人第進士真宗時授大理寺丞累遷樞密直學士知平江府清修純飭遇事不屈好學工文辭延譽後進至老不倦士人翕然稱之以禮部侍郎致仕歸休於此著有吳門集

范家園

在雍熙寺後宋無外居士范周所建周為贊善大夫純古長子文正公之從孫負才不羈工詩詞不樂仕

進方臘事變州民團結士流亦不免周率學舍諸生
冠帶夜巡以火燈籠題詩其上守將見詩亟為罷去
園中所遺石刻范家園三大字為郡守李大異所書
後移置文王書院之右完好如初近因拓寬道路已
被損斷不知遷往何處矣

藏春園

在閭丘坊巷宋時信安郡王孟仁仲忠厚所築有靜
寄堂清心亭萬卷堂其匾額皆為孝宗趙春御書按
仁仲為咸甯郡王彥弼子哲宗孟后之兄宣和中官
至將作少監靖康初權衛尉卿高宗趙構立授徽猷
閣待制使北迎后以臺諫論列易武秩后崩以榭廟
恩授鎮海軍節度使判平江改浙東安撫使封信安
郡王判紹興府除樞密使忠厚遠避權勢不以私干
朝廷秦檜心忘之諷言路論列罷為醴泉觀使檜死
召還授保甯軍節度使提舉秘書省卒

樂圃

圓為五代時吳越廣陵郡王錢元璩金谷園遺址宋
鄉賢朱伯原長文增築之元時為長洲張子宜適所
明成化間又為杜東原所有萬曆間長洲申汝默時
行宰輔致仕後又購得之有賜閒堂鑑曲亭招隱榭
諸勝嘗賦詩云樓遲舊業理荒蕪徒倚叢篁據槁梧
為圃自安吾計拙歸田早荷聖恩殊山移小島成愚

谷水引清流學鑑湖敢向明時稱逸老北牕高枕一
愁無又有園居詩云樂園千年跡蕭齋五畝身蓬蒿
常謝客花竹總宜人清曠懷長統風流屬季真臨溪
時獨釣吾自老絲綸其二云投老身猶健探幽興未
闌花神催爛漫竹使報平安茂樹禽聲合高樓蝶夢
殘不知人世上何處有風湍至清康熙時公元一千
六百六十二年至一千七百二十一年靜甯慕拱極
天顏巡撫江南在此建築別墅俗稱慕家花園後歸
河南席椿太守不久太倉畢秋帆元尚書割其東部
改名適園金匱錢梅溪永經歷曾為輯樂園小志二
卷贈之尚書歿後家產入官無托足之地一家眷屬

+

盡住圃中可慨也已有女史胡智珠題壁一絕云清
池峭石古亭臺深鎖園扉晝不開此日恰逢搖落後
花時悔我未曾來現其裔孫依然居住因已造家廟
例不入官近晤尚書後裔志颺茂才云園廢不治累
石猶存其間有停雲石最著名為明文待詔停雲館
舊物苟能政府收歸固所願焉

獅子林

在城東北隅潘儒菴今畫禪寺法堂後牆外元至正
間公元一千三百四十年至一千三百六十七年僧
天如惟則延朱德潤趙善良倪元鎮徐幼文共商疊
成而元鎮為之圖取佛書獅子座而名之近人誤以

為倪雲林所築非也明時尚屬寺中清初鞠為民居
荒廢已久乾隆廿七年公元一千七百六十二年高
宗弘曆南巡始開闢雜草築衛墻垣其中有獅子峰
含暉峰吐月峰立雪堂卧雲室問梅閣指柏軒玉鑑
池冰壺井修竹谷小飛虹大石屋諸勝湖石玲瓏洞
壑宛轉上有合抱大松五株又名五松園後為休甯
黃小華軒殿撰第宅改名涉園每當春二三月百花
齊放合城士女出游宛如張擇端清明上河圖也黃
氏家衰園亦荒蕪久之莫能售迨至民國元年公元
一千九百十二年始歸玉峰李平書鍾珪擬修葺而
未果復歸我邑鉅商貝潤生仁元曩有諸勝悉循故
址重建新楹復舊觀也公元一千九百五十三年由
本市人民政府負責修整開放游覽不負人民之願
望矣

孫園

在桃塢西孫氏莊房在馬宋末季侍郎殉國難族子
茂苑年尚少誤為皇孫被掠去後隨韋太后歸屢上
封事請雪國恥忤旨削職遂之吳槁隱園中顏其室
曰鍼繡座酒酣耳熱作普天同憤錄冀激昂忠義之
氣因近誣蟻將興大獄時茂苑已死其孫堯臣集金
人亡國事作普天洩憤錄以求解流傳宮禁得官未
就奉卺載酒日徜徉於柳隄荷蕩之間鼎革後自經

死私謚孝烈按孫園之名唐時元微之寄白樂天詩云孫園虎寺隨宜看不必遙遙羨鏡湖又清松陵凌磬生泗詠孫園云辟疆東晉日孫園盛唐時贗刻况公記何如元九詩流風餘韻由來舊矣

廢園

在桃花塢明永樂元年公元一千四百零三年養真老人沈均遜跡之所有鎖煙亭鏡心池聞香室環翠軒棲鶴樓諸勝園居雜詠云落木蕭蕭一廢園妙無風景耐盤桓主人若識無中趣纔見先天理數原蒼松翠柏自春秋長使幽人供卧游金谷園中桃李艷歲寒時節著花不清初歸謝氏乾隆初謝怡堂改築

十二

來蘇堂賦雪草堂書葉軒諸字又在棲鶴舊址構望炊樓今謝家子孫凌替園廢可想但其地猶稱沈家街云

靜庵

在仁美坊今名南顯子巷為宋右史上官元之漁西所居中有采菊室董槐為記按元之嘉定進士端平中知池州先事為防江圖及金人入寇知有備引去紹定淳祐中兩忤時相間居十九年晚遷起居舍人極言無隱卒為當道所忌以集英殿修撰致仕

萬華堂

在資壽寺後藍家巷今改鈕家巷為開封藍叔誠師

提刑所居植牡丹至三千株多得洛中名品如玉
盃白景雲紅瑞雲紅勝雲紅間金之類無不有之後
以游宦不能愛護惟勝雲紅存焉

萬卷堂

在帶城橋南為宋史志道正志侍郎所居據施氏叢
鈔云正志揚州人紹興進士陳康伯薦於朝除樞密
院編修引孫權築濡須塢故事乞築和州城壘及舒
揚防守荆襄事宜高宗視師江上上恢復要覽五篇
車駕駐建康正志言三國六朝形勢與今日不同要
當無事則都錢塘有事則幸建康詔下集議從之後
歸老姑蘇造此宅及對門花園佳處號漁隱淳熙初

落成費百五十萬緡僅一傳不能保園廢先售宅索
價十萬緡孫支伶丁後得一萬五千緡售與常州丁
卿昆季紹定末丁折而為四其從提舉趙汝樞占為
百萬倉和雜場惟吳門補乘藝文引江都縣志作正
克字志道留供參攷

葑溪草堂

在葑門內姜家街後改韓衙前今呼天賜莊為明長
洲韓永熙雍御史所居溪流環繞宅東有園永熙嘗
與徐武功有貞祝參政穎馮副憲定劉僉憲珏聯句
傳為韻事按雍為正統進士授御史巡撫江西踔厲
風發景泰時擢廣東副使尋巡撫江西有才望天順

中歷官兵部右侍郎憲宗朱見深立坐累貶官會廣
西徭獍為寇改左僉都御史贊理軍務直擣大藤峽
破賊三百二十四若威震南方遷左副都御史提督
兩廣軍務丁憂歸復以右都御史蒞故任致仕卒正
德間追謚襄毅有襄毅文集

東莊

在葑門內天賜莊東為明長洲吳孟融所治由元李
迨明初世居其間其仲子原博寬貴後朝士聞翁賢
競為文詠莊名乃著李東陽曾撰東莊記略云蘇之
地多水葑門之內吳翁之東莊在馬菱濠滙其東西
溪帶其西南兩港旁達皆可舟而至也由櫂橋而入

則為稻畦折而南為桑園又西為果園又南為菜圃
又東為振衣臺又南西為折桂橋由艇子浜而入則
為麥邱由荷花灣而入則為竹田區分絡貫其廣六
十畝而作堂其中曰續古之堂庵曰拙修之庵軒曰
耕息之軒又作亭於南池曰知樂之亭亭成而莊之
事始備經名之曰東莊因自號東莊翁莊之為吳氏
居數世矣由元季迨於國初鄰之死徙者十八九而
吳乃巋然獨存翁少喪其先君子徙而西既重念先
業不敢廢歲拓時葺謹其封濬課其耕藝而時作息
也翁仲子原博以狀元及第入翰林為修撰獲以其
官封翁朝士與修撰君游者聞翁賢多為東莊之詩

詩成而莊名益著原博從子奕增建看雲臨渚二亭
後為徐參議廷祿所有公安袁宏道稱其畫壁攢青
飛流界練水行石中人穿洞底巧瑜生成幻若鬼工
千蹊萬壑游者幾迷出入

竹軒

在葑溪金光美所構有記

桐園

在甫橋王世材所築長洲祝允明有記

陸績宅

在臨頓里孫吳時吳人陸公紀績太守所居績自鬱
林太守罷歸無裝舟輕不可越海取巨石為重至姑

十五

蘇置其門號為鬱林石子孫世保其居唐史書之陸
龜蒙始亦居此幽居賦云陸子居全吳東距長洲故
苑一里人云地接虎丘門臨鶴市皮日休云不出郭
郭曠若郊墅即其地也

七檜堂

在天慶觀東宋時長洲葉少卿參所築參嘗守吳既
謝事因居此間以佚老其子清臣登禁從參猶及見
之范仲淹嘗贈之以詩

五柳堂

在臨頓里宋時永康胡正思稷言主簿所居正思少
受學于宋祁復受經于胡瑗以特奏補官歷山陰丞

自以不能究其所施遂乞致仕以清貧終

中隱堂

在大酒巷宋時邵武龔會之宗元所居取白樂天詩
大隱住朝市小隱入丘樊不如作中隱隱在留司間
乃作中隱堂與屯田員外郎陳適太子中升陳之奇
游從極文酒之樂皆耆德碩儒挂冠而歸者吳人謂
之三老

按大酒巷今名大井巷

元絳宅

在帶城橋東宋時錢塘元厚之絳所構厚之天聖進
士累遷翰林學士拜參知政事後罷知潁州以太子

十六

太保致仕歸老吳門知州張祐因以其地命名哀繡
坊淳熙初都丞徐本中為浙江提刑樂其風土意欲
歸老偶得厚之故宅葺治之甯宗趙擴御題其扁曰
歲寒堂竟以江東運使奉祠歸自號歲寒居士又作
草堂其旁

醒心亭

在封門內宋熙甯間曹僚履中所葺原有土阜對峙
水際雖巨浸弗沒因號浮墩後避諱改名浮邱相傳
此地昔有雙松竦然參天建炎之難有潰兵欲伐之
隕石如雨令放生池即其地也

成齋

在醋庫巷宋時郡人黃景祥雲授經時所名也甯宗趙擴在嘉郎大書以賜其子由俾以授雲時雲為淮西總所酒官淳熙八年由魁天下郡守邊立狀元坊

方惟深宅

在城東宋時方子通惟深所居子通本籍莆田父龜年為屯田郎卒葬長洲家馬授興化軍助教歸隱故廬部使守帥恒即其廬訪之

蓬齋

在長洲縣東北宋時進士周朝宗汚所居與方子通為鄰

紅梅閣

在小市橋宋時吳縣吳應之威殿丞所構有姬曰紅梅因以名閣又作折紅梅詞傳誦于一時今其地即吳殿丞巷也

柯九思宅

在城東胭脂橋元時仙居柯敬仲九思所居與虞集趙孟頫為友工詩善畫仕致奎章閣學士

聽雪齋

在天宮里元時西夏鄔密公所構陳基記見續吳都文粹按吳郡志天宮坊迎春巷平江圖繪天宮坊即跨今員嶠巷西口則天宮里即員嶠巷也惟鄔密公不知何許人可補流寓傳之闕

三辰堂

在葑門明工部主事顧餘慶所構灤縣岳季方正修撰書額長洲吳原博寬修撰記

巖訥宅

在南倉橋西明常熟巖敏卿訥尚書所居孫貢生桓構困學齋讀書其中長洲文文起震孟書額

陳祚宅

在葑門外明吳縣陳永錫祚僉事所居祚為永樂辛卯傳臚擢河南布政司參議坐事落職洪熙初起為監察御史彈擊不避權勢累官福建按察使僉事有威惠以疾歸卒年七十有四著有小學辨惑初居甘

十八

節坊後遷此地至今猶呼陳僉事巷

仰瞻宅

在葑門外明長洲仰瞻寺丞所居瞻於永樂中由虎賁衛經歷遷大理丞以忤王振謫戍大同景泰初召為右寺丞執法愈堅在任者多不悅移疾歸老此間今其地名仰家莊

邢量宅

在葑門外明長洲邢用理量所居量以醫卜自給性狷介與人無將迎足跡不出里門長日或不舉火客至相與清坐而已其學無所不通朝士有欲過之者固謝不納孫參亦居此後棄去其地今名邢家街

錢邦彥宅

在望信橋西七塔寺前巷今稱錢衙前明尚書錢邦彥所居

王敬臣宅

在兵馬司橋東明長洲王以道敬臣所居性至孝其學以慎獨為先尤以標立門戶為戒萬歷中徵授國子博士辭不行詔以所授官致仕著有侯後編卒後門人私謚仁孝先生其地亦名大儒巷以留紀念云

朱存理宅

在葑門外明長洲朱性甫存理處士所居性甫博學工文著有經子鈎元吳郡獻徵錄名物寓言鐵網珊

十九

湖野航漫錄旌孝錄鶴琴隨筆等書正德間以布衣終其地今名朱家衙

朱凱宅

在葑門外明長洲朱堯民凱所居工詩畫與同里朱存理齊名人稱兩朱先生有堯民集句曲紀游詩

吳之佳宅

在善教橋東北明長洲吳公美之佳給諫所治公美為萬曆庚辰進士任襄陽知縣以治行徵授刑科都給事中時禮科都給事中以請豫教元子得罪之佳疏救與張棟葉初春並斥時稱吳中三諫其宅今名吳衙場

宋學朱宅

在新造橋東明長洲宋用晦學朱巡按所居用晦崇禎辛未進士為御史疏刻楊嗣昌田惟嘉時論壯之巡撫山東方行部清兵攻濟南急聞驚馳還與布政張秉文等分門死守援兵不至城陷死之

丁元復別業

在十郎巷明長洲丁仲心元復參議所建其址舊為楊和玉別墅元復為隆慶辛未進士除信陽令具有德政拜南京山西道監察御史尋出為四川僉事遷浙江布政使參議因病乞歸卒年八十有五著有片玉齋稿別業後改元和署令為市校矣

唐岳宅

在葑門內明千戶唐岳所居吳地因岳得名今稱唐家巷岳世居獅子口後捨宅改為萬壽庵次子華分居婁門亦名唐家巷

卧雪齋

在葑門上塘新造橋西明長洲袁重其駿所居駿少孤傭書以養貧甚母節不能旌乃徵海內詩文曰霜哺篇至數百軸又修負母看花圖數幅題詠徧海內凡過吳門者無不知有袁孝子也

亦園

在葑門新造橋清長洲尤辰成個侍講所築高宗弘

曆御書賜額鶴栖堂園曰亦園中有十景曰南園春
曉草閣涼風葑溪秋月寒村積雪綺陌黃花水亭菡
萏平疇禾黍西山夕照層城煙火滄浪古道又有構
青亭水哉軒皆自記

教忠堂

在濶街頭巷清長洲沈確士德潛尚書所構內懸御
賜詞宗耆碩道存風雅鶴性松身學有本源蓬瀛人
瑞諸扁額又有九賚閣在葑門外竹墩莊賜序賜詩
亦佛龕供御賜金佛按德潛號歸愚乾隆己未進士
年已六十七高宗弘曆稱為名士召對論歷代詩源
流升降大賞之命值上書房擢禮部侍郎予告歸原

銜食俸弘曆懷舊詩以德潛與陳群並稱東南二老
年九十七卒有五朝詩別裁古詩源西湖志纂竹嘯
軒詩鈔歸愚詩文鈔

紅豆書莊

在城東南冷香溪之北清長洲惠元龍周惕庶常所
築先是東禪寺有紅豆樹相白鴿禪師所種老而朽
復萌新枝周惕移一枝植階前生意郁然因自號紅
豆主人僧睿目存為繪紅豆新居圖周惕自題五絕
句又賦紅豆詞十首屬和者二百餘家四方名士過
吳門必停舟車訪焉傅子及孫六十年來鐵幹霜皮
有參天之勢庚申兵燹樹被伐遺址僅存

網師園

在帶城橋南潤階頭巷東口清

宋魯儒宗元廉

訪購得宋時史氏萬卷堂故址重治別業因其巷曰網師者本名王思即以網師自號並顏其園蓋託於漁隱之意兼取巷名音義相同也越州載後歸於嘉定瞿遠村添築梅花鐵石山房小山叢樹軒濯纓水閣蹈和館月到風來亭雲岡厓竹外一枝軒集虛齋諸勝改名瞿園亦曰遠園嘉慶戊寅四月錢梅溪偕范芝巖潘榕皋吳槐江諸子看園中芍藥其花之盛可與揚州尺五樓相埒范有詩云看花車馬聲如沸誰問尚書舊第來蓋其西數十步即前大宗伯沈歸

愚舊宅旋歸天都吳氏同治時又為中江李香巖鴻

商廉訪所有易名蘇東鄰蓋與蘇子美滄浪亭相近而結鄰也宣統三年復歸滿人達將軍尋即移歸杭縣張廣建錫鑿更名逸園後築琳琅館道古軒殿春籀羅月亭諸勝別饒風趣其間尤以十二生肖疊石象形為他處所無今已收歸市有矣

葑水園

在葑門外清檢討馮勗所築堂曰含青亭曰紅香晚歲建碑亭勒御製詠鶴詩於石

青芝小堂

在葑溪上清新樂令張良忠所居舊為明韓襄毅公

非故宅良思葺而居之長洲李碩夫布衣有記

王芑孫宅

在新造橋街清長洲王念豐芑孫典簿所治中有寫
韻軒漚波舫自為之記按芑孫號惕甫一號鐵夫又
號楞伽山人乾隆戊申舉人官華亭教諭性簡傲客
游公卿間不肯從諛人以為狂詩癯然以瘦憂然以
清與法式善張問陶輩相唱和書仿劉鏞尤負重名
有淵雅堂詩文集

墨莊

在城南清比部朱愚溪所築長洲李碩夫果布衣有
記

傳經堂

在飲馬橋南清長洲宋謹涵照所治謹涵號喜墨康
熙戊戌進士選庶士以撰文忤旨放還旋薦為修三禮
病卒有禮經棠解史間息軒雜文等書子邦綏字逸
才號况梅乾隆丁巳進士由編修累擢湖北巡撫以
摸稜瞻徇革職尋起用官至廣西巡撫查出軍田十
一萬餘畝戍守有資高宗頗嘉之後官戶部侍郎卒
孫思仁字藹若號汝和為山東糧道引疾歸性孝友
居處儉約善奕嗜吟工書蘭竹好鑒古精篆刻兼通
星卜堪輿能決人窮通休咎年七十有八著有索餘
存稿廣輿吟太平便覽雲初至今居之

懷幼閣

在南園清孝子丁宏度建載家乘

葑湄草堂

在葑門鷺鷥橋清長洲李碩夫果處士所居碩夫先居大石頭巷後遷居于此自有記

繭園

在葑門蘇家巷東清長洲彭南屏翰孫所築南屏讀葛洪神仙傳有園客者濟陰人種蠶得繭大如瓮纒訖客忽仙去因以名園

退園

在井儀坊巷清吳縣吳清如嘉_治農部所築嘉_治舊

二十四

居通和里後移居皮墅里之朝元街再遷於西麒麟巷三遷於采蓮巷自京師歸遷定井儀坊巷皆名其堂曰儀宋自為之記咸豐庚申園燬嘉_治避亂海外懷思故居補作園記二篇

雙塔影園

在官太尉橋西清元和袁文綺學淵諸生所居其先世為宋京西提刑觀察使袁珣從高宗南渡遷吳元孫樞為郡馬元兵南下殉節五世孫通甫_易隱居吳淞之濱築靜春堂於蛟龍浦之赭墩九傳至洪愈於明隆萬間為南尚書祠墓俱在赭墩子姓繁衍族聚成村父蓮塘部曹學淵出嗣堂伯靜安去菟集枯以

孤孳自處劬苦于學補元庠弟子員旋授詹事府主簿庚申遭變袁村舊宅荒蕪播遷海上同治四年始遷定鮮溪新宅自為記

小讀書堆

在城南清元和顧抱冲之達諸生所居抱冲藏書甚富為嘉慶時吳中大藏書家著有一瓶錄

匠門書屋

在長元學宮之東清長洲張日容大受檢討所築初大受父慶孫以名孝廉教授里中大受鄉舉後久不第讀書于此韓宗伯莢題其居曰孝廉船又有讀書亭潮生閣其地以近古匠門故又稱匠門書屋自為

之記有匠門書屋文集

戴顥宅

在城北劉宋時高士戴仲若顥所治初顥偕弟勃隱於桐廬并善琴勃卒以桐廬僻遠乃游吳下土人共為築室聚石引水植林開澗以居之乃述莊周大旨著逍遙篇注禮記中庸篇水初元嘉中屢徵不就尋卒至唐司勳郎中陸洿嘗居之又山人陸去奢樓亭亦在其地相傳即今北禪寺

許台宅

在臨頓路東唐光祿大夫許台所治景福五年捨為天宮寺

金士衡宅

在平江路胡廂使橋北明太僕金士衡所居初隨父應徵參政居于甫里眾安橋南後移寓于此

顧其志宅

在苑橋巷明長洲顧其志大司馬所治

龔元祥宅

在中營基巷明長洲龔子禎元祥教諭所居崇禎初為霍山教諭與訓導姚允恭友善冠陷鳳陽元祥偕縣令守禦冠至今遁元祥罵冠死子炳衡並被殺允恭斂其屍畢亦死之

飛英堂

在平江路徐家街北口明長洲陸起禎世康所構崇禎庚辰以薦授廣州府通判多善政南中累遷光祿卿歸隱里門二十載著述甚富年八十五卒其堂名為趙宦光所書

韓世能宅

在北街今名韓衙潭子河頭左右皆有跨街牌坊明長洲韓存良世能宗伯所治世能隆慶戊辰進士選庶吉士授編修與修世宗穆宗實錄官至禮部左侍郎以疾歸世能恬于榮利奉使朝鮮冊封楚藩餽道一無所受有雲東拾草

玉蘭堂

在婁門接待寺東明長洲蔣龍江若來所居有玉蘭
五株甚古因以名堂若來為育馨從子善騎射膂力
絕人巡撫張國維異其才援自行伍以把總擢游擊
累遷浙江總兵與宋大典守金華城陷若來召妻妾
子女痛哭曰天乎不可為矣吾以匹夫受大明天子
恩國亡與亡死復何憾若輩盡為俘奈何王夫人曰
臣既死君妻敢不死夫妻七人言亦如是傳與祖曰
父為忠臣兒輩願為孝子二女與媳趙氏曰願吾門
金忠孝節義也乃積薪縱火闔門燔死若來顧視灰
燼捉刀而出巷戰經日殺四十餘人自刎死載桐菴
文稿

有懷堂

在婁門內直街清長洲韓元少英所居初其祖治始
居此有開雲堂寒碧齋紺雪齋兵燹後英重修築有
虬軒歸愚咫間斗室臨流構敞宇遙望西山作廬墓
圖懸室中高宗弘曆御題有懷堂額賜焉

留卧園

在婁門內清長洲汪武曹份編修所治份康熙癸未
進士官編修為文辭氣雄邁未第時與同里何焯評
選有明以來諸家制義又增訂四書大全名重一時
有適喜齋集

薛家園

在婁門外下塘清薛宗濂築中有月波樓錦香亭諸勝

涉園

在婁門新橋巷東清郡人陸閻亭錦太守所築園不甚廣東近城垣有小鬱林觀魚楹吾愛亭藤花舫浮紅漾碧諸勝又有吟窩陸宣公墓柏重青碑後為崇明祝氏別墅

偶園

在婁門新橋巷東清湖州沈仲復東成中丞購得於祝氏重加營構改名偶園後為顧宗瀚上舍所得今歸常州鉅商劉國鈞近已改為工人宿舍矣

華陽新築

在北街華陽橋畔清元和韓桂齡尚書所居繪華陽新築圖中有種梅書屋極軒敞對字旭亭號禹三乾隆丁酉拔貢以刑部七品小京官累擢至刑部尚書精於律法中正和平為秋官之最有還讀齋集

寶鐵齋

在大儒巷仁孝里清元和韓元芝崇

所居

王佐聖宅

在大儒巷明長洲王克仲佐聖明府所治佐聖為王敬臣入室弟子萬曆癸卯舉人授青浦教諭崇禎十四年遷遵義令苗民時出剽掠佐聖晝夜捍拒竟被

害有緘庵詩鈔

鄭敷教宅

在懸橋巷明長洲鄭士敬敷教授所居敷教為光
宙子崇禎庚午舉人與楊廷樞齊名時人語曰前有
朱張後有鄭楊丁丑舉賢良方正以母老辭隱居教
授學深於易有易經廣義學庸大意鄉黨考吾猶及
集詩文集年七十卒門人私謚貞獻先生

百宋一廬

在懸橋巷清吳縣黃堯圃丕烈主事所居丕烈一字
紹武號復翁又號佞宋居士乾隆戊申舉人官分部
主事喜藏書得宋槧木百餘種嘉慶七年遷居于此

二十九

構專室儲書名之曰百宋一廬刊士禮居叢書為收
藏書所重並著有蕘言印須集今歸潘氏松麟義莊
蟻街齋其故址也

敦葦河房

在任蔣橋後河清教諭丁鉉印其父開鄴諸生墓傍
建為廬墓所載丁氏家乘丁氏家祠在縣橋巷

紅豆樹館

在婁門內柳貞巷清長洲陶甯求樑侍郎所居樑號
息鄉著有紅豆樹館集

月滿樓

在城東北隅清元和顧景嶽宗泰知府所居工詩文

文酒之會無虛日有月滿樓集

止園

在東白塔子巷清乾隆間郡人沈世英太史所築中有懷雲亭未及卅載而舊與周勗齋太守周復拓而廣之頗有幽趣改名樸園有一峰名歸雲其峭其東為蔣氏種梅亭春時百花齊發群艷爭芳係樂安全盛時四十八第之一後歸潘氏為古香亭

西圃

在西花梅巷清吳縣潘順之遵祁編修所居吳嘉淦有記

鷗隱園

在城西清吳縣潘功甫曾沂舍人所居中有廣榭曰清華池館鏡花木之勝與吳嘉淦農部朱綬孝廉沈傳桂孝廉王嘉祿茂才韋光敬茂才彭蘊章相國嘗結詩社於此維時遠近爭目為吳門七子

養閒草堂

在西百花巷清吳縣潘季玉曾璋觀察所構何紹基有記

遠園

在中衙前清長洲申勗菴於孝廉將祖時行舊第擴建遠園並築來青閣養鶴作伴每宴客雙鶴迎門魏禧有記

蔣揖宅

在中衙前清長洲蔣方棧揖比部得於申氏舊址重葺廳樓疊石為山畚上有清泉流出聲泠泠然因取東坡試院煎茶詩中字題曰飛雪其從兄恭棊為之記旋歸太倉畢秋帆沅尚書繼為仁和孫智治士毅相國所得

環秀山莊

在中衙前清道光末年公元一千八百五十年工部郎中汪藻吏部主事汪堃購於孫氏建立宗祠顏曰耕陰義莊並築別業曰環秀山莊聞諸故老當畢尚書宅之入官也孫士毅相國售諸官願隱其姓縣人

信筆署以汪終為汪氏所得從前更徙及茲而定亦云奇矣中有問泉亭補秋舫半灣秋水一房山諸勝其間疊石為山匠心獨運雖僅一堆拳石恍如萬壑千巖大有尺幅千里之勢傳為乾嘉時常州名手戈裕良所堆成最近由人民政府重行修葺飛雪泉淤塞已久亦經疏濬開放游覽聞不遠矣

董國華宅

在慕家花園清吳縣董琴南國華方伯所治其址初為海甯陳廣陵元龍相國所居繼為谷州尉志斌宅國華買其舊第時人稱為東園主人畢秋帆西園主人董國華庚申劫復變作啜茶之肆

遂園

在慕家花園清末宣統間雲南劉詠臺大令購于董氏舊宅重新修葺改名遂園中有綠天深處映紅軒客閒堂道遙室琴舫諸勝至民國二十六年又歸東山葉氏矣

李鴻宅

在西城橋東與申相府近明孝廉李欽文鴻所治鴻為時行壻故吳中有快活李大郎傢伙丈人當之諺後其宅售諸吳尚書一蜚堂中碑墜其下洞然視之有石椁旁有小碑云古吳要離之墓堅匏集載要離墓在十廟西或云在西城橋非無稽也

三十二

朱典宅

在申衙前清順治間樂園裔孫朱典太史由陽山徙此為申時行舊址購得其半至今呼為陽山朱衙是也

按吳門表隱載陽山朱鳴虞所居朱氏富甲三吳鳴虞與典是否一人待考

楊廷樞宅

在楚門橋衙俗稱楊衙前明吳縣楊維斗廷樞解元所居廷樞與徐沂等志尤相契廷樞既負重名咸指目之當事者執而言慰廷樞嫚罵不已臨刑猶大聲曰生為大明人死為大明鬼卒年五十三門人私謚

忠文先生

心矩齋

在藥市街俗稱學士街清長洲蔣香生鳳藻所居香生雅好觚翰嗜書成癖在閩納交周星詒魏錫曾因以通目錄金石學留心搜訪多歸插架星詒絳誤遣戍資以三千金星詒盡以所藏閩垣未經兵燹前明徐興公勅謝在杭肇淵及近時帶經堂陳氏遺書歸之遂蔚成大藏書家

野竹齋

在杉瀆橋南俗稱三多橋清姑餘山人沈辨之與文所居辨之藏書甚富因築齋以儲之

三十三

齋硯齋

在金獅子巷清長洲何杞瞻卓編修所居以嘗得陶隱居齋硯故名焯康熙癸未特賜進士官編修坐事逮問尋免罪其學長於考訂名重一時學者稱義門先生

五柳園

在金獅巷清吳縣石執如盤石廉訪所居得於何氏齋硯齋舊址重加修葺更名五柳園改金獅巷為經史巷後德清俞樾曾寓于此

半園

在倉米巷清季初由德清俞蔭甫樾太史所居旋讓

溧陽史偉堂杰方伯鳩工庀材題名半園中有半園
草堂安樂窩還讀書齋風廊月榭君子居不繫舟待
月樓四宜樓雙陰軒三友亭挹爽軒諸勝定遠方佛
生澤久廣文曾結隱社于此今為公廨矣

李果宅

在大石頭巷清長洲李碩夫果處士所治中有菜圃
種學齋悔廬觀槿軒諸勝後移居葑門鷺鷥橋別築
葑湄草堂

西樓

在通和坊溫將軍廟西明名姬穆素徽美所建今已
廢圮

麻橫

在鎮撫司前清季祥符周季貺星詒知府所居季貺
少籍華廬收藏甚富精於目錄之學四部甲乙如別
黑白著有麻橫詩稿質瑞瓜堂詩鈔

王穉登宅

在長春巷明長洲王伯穀穉登徵士所居中有南有
堂尊生齋諸勝伯穀原籍武進移居吳門十歲能詩
名滿吳會吳門自文徵明後風雅無定屬伯穀嘗及
徵明門遙接其風擅詞翰者三十餘年同時山人布
衣以詩鳴者十數伯穀為最萬曆中徵修國史未上
而史局罷卒年七十餘有吳郡丹青志奕史吳社編

之園

在長春巷清光緒間公元一八七五年至一九零八年由浙人宦者集資公築俗稱全浙會館頗有水石花木之勝現為公廨矣

袁洪愈宅

在流化坊即馬醫巷明吳縣袁抑之洪愈所居抑之嘉靖丁未進士授中書舍人擢禮科給事中累遷至湖廣參政所在以清節著嚴嵩敗召為南太僕少卿遷太常引疾歸萬曆中復起故官以南吏部尚書致仕卒謚安節

曲園

在馬醫巷本吳縣潘世恩舊第同治十二年公元一千八百七十三年德清俞蔭甫樾太史購得築三十餘楹中有樂知堂春在堂認春軒艮宦達齋曲池曲水亭回峰閣諸勝自南至北長十三丈又自西至東廣六丈有餘長亦僅三丈其形曲故名題曲園自為記

荆園

在馬醫科巷東口傳係有明長洲文彥可從蘭舊宅旋歸陸氏俗稱陸家牆門清末售於平阿田紹白庚太守舊有荆園之名民國丁卯冬崑山程守初廷恒開府得之田曹兩氏基地共五畝餘重加修葺仍名

荆園園雖不大而曲折得宜結構有法守初風格高邁一時名士皆從之游文酒之樂余亦輒來相招焉

鶴園

在韓家巷初為華陽洪鷺汀觀察所築榜曰鶴園乃斤斧之役未竟鷺汀不欲有其叢於民國癸亥年公元一千九百二十三年讓與吳江龐屈廬其孫衡裳國鈞茂才復事增葺既宅於茲改字鶴緣緣與園音相諧也松陵金天羽為之記後歸上海嚴裕棠鉅商解放後獻給人民政府今為蘇州市政治協商會會議之所矣

聽楓園

三十六

在小市橋東舊為退樓老人諏古觴詠地也清歸安朱古徵祖謀侍郎寓居高密鄭叔問文焯曾為相陰陽揀時日旦舉家詞人吳應之故事詞以張之一時傳為佳話

守中堂

在郡廟東長安街清康熙九年春里人朱厚寰倡緣道士李模建葛之有遂為千載乘雲之人敢忘三年築室之義刻於楹桂載百城煙水

鴛鴦樓

在四通橋西秀野堂側舊為戚氏書樓裨官所云戚子卿者後居姬穆素徽美居之故名穆鴛鴦樓其西

樓則在通和坊也載嚴德門錄參吳門表隱

吳雲宅

在因果巷清吳縣吳玉松雲太守所治雲先居虎邱築聚遠樓旋讓王氏移居于此

賢行齋

在大雲坊今呼大成坊宋大雲翁林處所築處屏置朝章不入州縣先達稱其高坊名大雲誌不忘焉

按林處字德祖號大雲翁官至少卿

顧家園

在天慶觀橋南東巷今稱碧鳳坊明高士顧碧川元振弟鳳川元新所築原籍金陵世襲都指揮千戶成

三十七

化中避禍來吳築小園與人詩酒唱酌無虛日後鳳川返里碧川思之不置疾亟時猶囑治葬地營昭穆二火後人建坊紀念以名之

綠水園

在碧鳳坊為布衣朱襄僑居于此清池峭石窈若深山不知在 cities 間矣

按朱襄字贊皇無錫人康熙時諸生幼有詩名能作擘窠書弱冠游京師館于紅蘭主人邸主人蘊端禮為上賓酷愛其詩酬唱幾帙兼精易理晚年僑寓于吳以卒

秋聲館

在顏家巷為郭梅峰轍所居

按郭轍字季蘇長洲人監生書學顏平原有秋聲館帖行世年九十三而卒兵燹後石多散失從曾孫某授羅殘缺別有浙中門人宓某取所藏遺墨刊石流傳名曰傳琴堂法書

鄭思肖宅

在條坊巷連江鄭所南初名某以大學上舍應博學宏詞科侍其父來吳屬條坊巷宋亡改名思肖字憶翁皆寓意示不忘宋也作心史一卷癸未三月與所作咸淳集一卷大義集一卷興集二卷併入鐵函投承天寺井中時距德祐之亡已九年矣崇禎戊寅

三八

十一月八日承天寺後山房僧達始因旱浚井啟而得之計藏之時至是又三百五十六年不濡不滅完好如新又有釋氏施食心法一卷太極祭煉一卷謬餘集一卷文集一卷自叙一百二十圖一卷并其父震菊山集一卷傳於世今訪故宅即藥草庵址焉庵旁尚有碎石

古柏軒

在條坊巷今呼為調豐巷清吳縣楊文叔繩武編修所居文叔為元谷子康熙癸巳進士官編修秉志節通經術大學士王拱深重之館閣大著作多出其手丁憂歸遂不出有古柏軒集文章鼻祖李果有記



孫岳頌宅

在竹條橋即北新局址今草橋東清康熙間吳縣孫雲韶岳頌祭酒賜第里人誤稱松鶴板場即其地也據孫氏譜傳云當年聖祖玄燁曾賜匾有五一曰寶慎堂一曰尊經服教一曰垂露毫端一曰讀書養氣一則墨雲堂也該堂係建第時所賜故名尤著又有御書楹帖兩一曰表裡常交正動靜自弗違一曰鐵畫銀鈎古帖恒留千載蹟龍光鳳藻名香當對一編書又云祭酒通籍後室無媵妾家絕管絃政事之暇惟焚香讀書及臨池選韻筆歌墨舞而已天語褒嘉洵寶錄也晚號二知居士天春益隆溫旨獎其書法

三十九

秀媚蒼古以元宰而後一人許之其遭際承恩可謂盛矣卒于官賜塋在梅灣福壽山乾隆九年十二月諭葬相傳地有百畝之廣因子姓貧薄祭掃弗時日漸侵削葬未百年已僅存窀穸矣迨道光初族孫曉庵照偕其兄耀子均泊北郭顧震濤婁關莫順等訪得其地墓碣猶存照力任祭掃之事復慮歲久之無徵也因乞津里朱昂之繪梅灣訪墓圖丹徒嚴太史保庸為之記遍乞吳中名公鉅卿之作以存文獻并拓徐相國本所表墓碣附裝圖尾傳留掌故云

春錦園

在王府基後起樓元末張士信選三吳良家女八千



餘人充內使時宮闕未備故居此載楊儀壘起雜事
公園

在王廢基宋時為平江府署元時為張士誠大尉府
燬于火公園為其遺址一部分由法人竺他摩所設
計成為現代形式之園林園中建築物不多東邊玉
帶河填平開成馬路中央建一圖書館由上海鉅商
奚萼銘所捐資而成未幾被日寇焚燬解放後由園
林管理處重加佈置煥然一新矣

庸齋

在醋庫巷清歸安楊見山峴太史寓居峴號庸齋晚
號藐翁咸豐 舉人曾權知常州府研精隸書於

漢碑無所不窺故落筆神明變化又工古文有庸齋
文集遲鴻軒詩鈔

陳鑑宅

在烏鵲橋北明蓋州陳鑑祭酒所居鑑正統戊辰進
士官翰林學士使朝鮮還歷祭酒禮部侍郎有皇華
集

朱祖文宅

在哀繡坊明長洲朱完夫祖文諸生所居完夫一字
叔經自號三復居士少負氣節與周順昌善周以閹
禍被逮完夫間行詣都奔走稱貸迨周梶歸哀慟病
死有北行日譜

東齋

在槐樹巷清吳縣吳伊仲翌鳳諸生所居翌鳳號杖
菴嘉慶時諸生少好學手抄書數十百卷多藏書家
所未見上詩所撰吳梅村詩集箋注能正舊注之失
又有與稽樓叢稿唐詩選懷舊集印須集燈牕叢錄
等書卒年七十有八

朱綬宅

在孔副使巷即有明少司空孔鏞墨池園之一隅清
元和朱仲環綬孝廉所居綬又字仲潔號酉生道光
辛卯舉人以詩古文有聲大江南北有三正堂詩文
集詞集及清詞選其初世居縣橋巷後移居幽蘭巷

四十一

蔣子延繪圖以贈越二載始定居馬蔣霞竹為繪第
二圖皆自記之

掃葉莊

在南園俞家橋初俞叟石礪隱居注易於此後為蘇
州薛生白雪徵君所居沈歸愚有記今歸長洲陳碩
甫與徵君碩甫號師竹晚號南園老人少師事金壇
段若膺玉裁孝廉治毛詩說文補縣學生員入都與
王念孫引之父子游所學益邃後主杭州汪遠孫家
潛心著述咸豐初舉孝廉方正有毛詩傳疏毛詩說
毛詩音詩義類鄭氏箋考證等書

可園

在滄浪亭對面一名近山林相傳最初為長洲沈歸愚德潛鴻博讀書處至道光間長樂梁閔中章鉅中丞重加修葺中有挹清堂濯纓處坐春舫諸勝并為之記丁亥春涇縣朱玉存珩宮贊來主吳中正誼書院講席題曰可園添築博約堂學古堂思陸亭浩歌亭等處清末改為存古學堂鼎革後為圖書館現已復為學校矣

高啟宅

在夏侯里今為夏侯橋明初長洲高季迴啟太史所居家本北郭與玉行輩十人卜居相近號北郭十友張士誠據吳啟避于吳淞江之青丘自號青丘子洪

四十二

武元年召用歸郡守魏觀嘗同史館因徙居于此焉

宋克宅

在南宮里元長洲宋仲溫克同知所居自號南宮生少任俠周流無所遇益以氣自豪杜門染翰日費千紙遂以善書名天下張士誠擢致之不就洪武初官鳳翔同知卒

竹山堂

在南石子街清吳縣潘桐生祖同所居性好觴詠善詩及宋元樂語蓄書至四萬餘卷皆手自鈎校分部而處有竹山堂隨筆

小獅林

在White塔子巷為宋時鄭景兆虎臣舊宅中多美石後歸褚氏鑿池得古硯因名天硯堂諸生元圭孝友能文以六士著名載吳門表隱

鄭虎臣宅

在鶴舞橋東宋時會稽尉鄭景兆虎臣所治居第甚盛號鄭半州父為賈似道所害德祐初似道謫授高州團練副使循州安置虎臣自請監押殺之於木綿庵所著文都文粹綜輯頗富

梅園

在安齊王廟西明初諸暨楊廉夫維禎詩人寓居門人張識種梅于此天啟初長洲顧大任得之建小吟

四十三

香閣繼為詩人范起鳳結社後屬費氏其閣俗呼酒釀樓載北園小志

管園

在北園崇甫巷今稱油車巷明管正心所築

城東動物園

在二門口原為昌善局丙舍素有花木水石佈置甚饒幽趣池中蓄有巨龜每在春夏之交游人投餅浮出水面爭食別有閒逸之樂其他池塘滿植菱蕖開花時清香撲鼻令人心醉於一九五四年改建是園更形喧闐矣

朱梁宅

在虎邱山漢朱梁仕為吳郡太守遂居于此載姑蘇志

王氏別館

在虎邱山為吳內史王元琳珣所築時戴逵潛詣之與珣游處積旬後珣為尚書僕射上疏請召逵為國子祭酒逵名益顯此事載諸晉書其別館與弟珉捨為東西一寺至今不廢

何求宅

在虎邱山齊高士何求所建弟點允亦隱于此

史德義宅

在虎邱山唐咸亨初崑山史德義諫議築以琴書自

四十四

適或騎牛帶瓢出入塵野高宗李治聞其名召赴洛陽稱疾歸天授初擢朝散大夫

陸羽寓舍

在虎邱山北唐竟陵陸鴻漸羽隱居于此查陸羽一名疾字季疵不知所生或言有僧得諸水濱既長以易自筮得蹇之漸曰鴻漸於陸其羽可用為儀乃以陸為氏名而字之上元初隱居苕溪自稱桑苧翁又號竟陵子久之詔拜太子文學徒太常寺太祝不就杜門著書或猶行野中誦詩擊木慟哭而歸嗜茶著茶經三篇貞元末卒鬻茶者祀為茶神

李紳寓舍

在虎邱唐李公垂紳拾遺本趙人徙家于吳遂寓居
馬查公垂為元和進士擢翰林學士與李德裕元稹
同時號三俊穆宗李恒召為右拾遺被李逢吉所排
出為江西觀察使旋改戶部侍郎武宗李炎時累官
尚書右僕射門下侍郎卒謚文肅有追昔游集

都官書院

在虎邱為宋時邵武龔會之宗元讀書處查宗元天
聖進士為句容令擿伏發姦如神楊紘持使節行部
號深酷至境曰龔君已治我往徒為擾耳遂不入縣
境官至都官員外郎致仕居崑山作中隱堂與程適
陳之奇皆以耆德稱吳人謂之三老有武丘居士遺

四十五

稿

通幽軒

在虎邱西庵宋時河南尹彥明焯處士寓舍查焯少
師事程頤嘗應舉發策有誅元祐諸臣議焯不對而
出終身不就舉靖康初用种師道薦召至懇辭還山
賜號和靖處士紹興初召為崇政殿說書兼侍講時
金人來議和焯上疏非之不報乞致仕有論語解門
人問答和靖集

壽樂堂

在虎邱宋李吕浩叟築浩叟嘗使元軍抗詞不屈宋
亡授淮東宣慰使不就隱此朱德潤有記

張雨寓舍

在虎邱西原僧房元時錢塘張伯雨處士隱此查雨一名天雨工書畫善詩詞與趙孟頫楊載虞集為文字交嘗居茅山著茅山志自號句曲外史有句曲外史集

小隱堂

在虎邱半塘明時長洲湯子重珍貳尹別業珍與王寵兄弟讀書石湖治平寺十五年為蔡羽文徵明所推重年四十餘應歲貢除崇德縣丞工詩文有迪功集

任孜宅

在虎邱山塘明時任懋善孜太守僦居孜後更名敏避宋任遵聖同名也著有山塘竹枝詞傳于世

居節宅

在虎邱山塘明時居士貞節所遜栖節號商谷從文徵明游善書畫客故隸織局織監孫隆召之見不肯往隆怒以逋帑拘繫破家僦居半塘吟詠自若以窮死工詩史著有牧豕集

韓氏山莊

在虎邱明時長洲韓永熙雍御史別業查雍正統進士授御史巡按江西踔厲風發景春時擢廣東副使尋巡撫江西有才望天順中歷官兵部右侍郎憲宗

朱瞻基立坐累敗官會廣徭犗為冠改左僉都御史
贊理軍務直擢大藤峽威震南方遷左副都御史提
督兩廣軍務丁憂歸後以右都御史蒞故任致仕卒
正德間追謚襄毅有襄毅文集

玉涵堂

在虎邱山塘橋西明嘉靖間長洲吳南夫一鵬所居
其別業在鄞季子卷

半偈庵

在虎邱半塘寺旁明時長洲王伯穀禪登所居查禪
登原籍武進移居吳門十歲能詩名滿吳會吳門自
文徵明後風雅無定屬禪登嘗及徵明門遙接其風
擅詞翰之席者三十餘年同時山人布衣以詩鳴者
十數禪登為最萬曆中徵修國史未上而史局罷卒
年七十餘有吳郡丹青志奕史吳社編

山塘小隱

在虎邱明時萊陽姜如須垓行人寓舍垓與兄採明
亡卜隱虎邱與葉襄金俊明任大任諸宿老相過從
諫草樓

在虎邱山塘清初萊陽姜學在寶節處士構為其父
採之影堂樓東有思敬居改過軒中箱閣則為寶節
讀書處寶節號鶴澗僑居吳縣工詩書畫有焚餘草

塔影園

在虎邱便山橋南明長洲文基聖華社錄事建初名
海湧山莊鑿池及泉池成而塔影現因更以塔影名
園旋為長洲顧云美所得按府志云便山橋俗名望
山橋實係誤傳蓋望山橋在雲巖寺之西面隔一白
公堤與便山橋判然二橋一在寺內一在寺外塔影
園既在便山橋之南則塔影橋當即便山橋後人因
塔影園之名跡故改其名為塔影橋耳

雲陽草堂

即塔影園原址明季長洲顧云美苓諸生構明亡苓
重為葺理別築松風寢照懷亭倚竹山房諸勝自為
之記栖息其中而終老焉

近峰別業

在虎邱旁明弘治間長洲皇甫世庸錄太守所築其
宅第在城內孔副使查錄為長洲人字世庸號近
峰弘治丙辰進士授都水主事出知順慶府時藍鄔
寇起蔓延全蜀錄預為設備郡賴以全被劾歸以著
述游覽為事有明記略近峰間略下俾紀談蘋溪集
容臺集果山集

靖園

在虎邱雲巖寺左其地舊為塔影園故址清光緒間
築俗稱李公祠內祀合肥李少荃鴻章宰輔園中花
木亭臺頗擅幽趣辛亥鼎革後亭榭半已就荒現已

改為虎邱中學矣

塔影園

在虎邱東南隅清乾隆時長洲蔣子宣重光所構俗稱蔣園有寶月廊香草廬浮蒼閣隨鷗亭諸勝其地為程秉義故居蔣氏有之蓋襲塔影之名非舊址也沈德潛有記

吟嘯樓

在虎邱青山橋西清程秉義所築臨堤高敞畫舫明燈皆集其下秉義能文好客著有紅豆詠梨雲集

一榭園

在虎邱斟酌橋一云在東山浜北初為蘇州薛生白

四十九

雪徵君別業後為薛文清公祠嘉慶三年公元一千七百九十八年震澤任兆烱太守購祠廢址改建按吳門補乘云任氏購薛六郎墳庵改築六郎乃生白之子也才而不壽卜葬于此

憶歡園

在虎邱東山濱之比清陽湖孫淵如星衍觀察就一榭園舊址改築更名憶歡園中有授書堂後為其大母許太君節孝祠其左即孫武子祠

鳧溪漁舍

在虎邱斟酌橋清長洲蔣樹存深知州別墅其後孫恭棊為記

則學草堂

在虎邱二程夫子祠旁清御史程梓園所居葉燮有記

西溪別墅

在虎邱山下塘甫里先生祠之側清

陸豫齋華

城所築錢大昕有記

聚遠樓

在虎邱山塘清吳縣吳玉松雲太守別業玉松在日極畫舫笙歌之樂未幾歸王氏咸豐庚申後廢

挹秀樓

在虎邱山塘清光緒初元吳縣元樹楠就聚遠樓廢

五十

址重新營構改名挹秀其兄樹滋有記

校詞讀書齋

在白堤星橋清元和諸生戈載所築載為孝子宙襄子世居楓橋喬梓並有文行道光十二年公元一千八百三十二年移於此間

藝芸書舍

在閶門外山塘清長洲汪閶源士鍾觀察藏書處堂宇軒敞樹石蕭森堂中懸楹聯種樹似培佳子弟擁書權拜小諸侯閶源性好藏書郡中藏書家自康雍之間碧鳳坊顧氏賜書樓蔣氏後嘉慶時以黃丕烈百宋一廛周錫瓚香巖書屋袁廷禱五硯樓顧之遠

小讀書堆為最後盡歸之嘗編藝芸精舍宋元本書目摹刻宋本孝經義疏儀禮軍疏劉氏詩說郡齋讀書志諸書讐對精審舉世珍之咸豐庚申以前書已散失經史佳本輒為聊城楊以增所得兵燹後遂蕩然無存矣

邱南小隱

在虎邱頭山門甬道之東清長洲汪苕文琬編修別業內有圓石光潤可鑒故又名二十四石圃其佳處有乞花塲山光塔影樓諸勝聖祖玄燁南巡召見行宮賜御書懸于邱南之堂今則別業已廢名蹟無存迨民國十五年由蘇州總商會改建商團紀念碑林

五十一

旋更名雲集山莊茲以園林管理處開渠築橋爭光名勝此地適當衝要遂成河埠矣按苕文第宅另在閭門外陸宅巷有城西草堂旁為苕華書屋晚居堯峰別業改為編修祠

讀書望田樓

在楓橋鎮之南孫武子橋俗名孫溪為朱處士昆玉鼎鉉所築耕讀其間優游杖履日與鄉鄰耆碩詩酒唱酬里人稱二朱先生著有望田樓集沒葬金山之麓童子門下至今呼為朱家山唐杜牧題二朱先生詩云我愛朱處士三吳居中央穰極百頃稻西風吹半黃我昔造其室羽儀鸞鶴翔交橫碧流上竹映琴

書床出俗無近語堯舜禹武湯觀此詩知處士之賢也

蓼庵

在閭門外林家巷明吳縣周景文順昌選事所居又有霜英堂按景文號蓼洲萬曆癸丑進士授福州推官捕治稅監高竊爪牙不少貸天啟中歷文選員外郎署選事力杜請寄抑僥倖清操嚼然乞假歸以忤魏忠賢為其黨所誣陷斃獄中崇禎初謚忠介有燼餘集其墓在白蓮涇馬家墩地廣一頃二十畝一云在麻布浜

西園

五十二

張考祥書其扁曰古江村

在閭門之西宋時浴人趙再可思別業其宅在城內九勝巷有和致堂再為紹興進士孝宗趙昚問恢復大計思對合脊意命守台州治聲翕然官終中大夫

宋通宅

在閭門外急水橋東雙闌干西元時長洲宋文傑通所居按文傑號彥英元統間以督征有功獲侯封食邑萬戶繼隱居不出壬辰兵起盡施家資保障一方明洪武四年辛亥以賢良屢徵不赴卜宅於此今有木梁名宋家橋

葉唐天宅

在閭門外江村橋明洪武間 葉唐夫先生所居
其江村詩云家住夕陽江上村一灣流水繞柴門種
來松樹高於屋借與春禽養子孫見夷白齋詩話

讀書房

在虎邱西明時長洲邢麗文參處士築初麗文居于
乃祖量處即封門外邢家衙後棄士誅茅於此間

陸完宅

在閭門外今稱陸宅巷為明長洲陸全卿完尚書所
居按完為成化丁未進士歷官兵部侍郎進太子少
保兵部尚書有才智急功名善交權勢宸濠明異志
輦鉅金遺完求復護衛完遂為請舉朝詳然改吏部

五十三

尚書宸濠反完司寇論死議功謫戍福建靖海衛清
季時巷內牌坊尚存云

郝將軍賣藥處

在閭門外上津橋明時晉甯郝大極所居天啟中奢
安之變守霑益有功國變後乃客吳隱於醫顧炎武

亭林有詩贈之曰曾提一旅制黔中水涵諸酋指顧

空入楚廉頗猶未老過秦扁鵲更能工風高劍氣蛉
川外水沸茶聲鶴澗東橋畔相逢不相識漫將方技
試英雄清光緒間合江李紫璫超瓊邑令勒碑橋下
並題諸云上津橋下水澶澶藥市風清遠莫問路近
留園花舫織無人解吊郝將軍

城西草堂

在閶門外陸宅巷清長洲汪苕文琬編修所構旁為
苕華書屋其他俗傳為前明正德中尚書陸完故居
云

勺湖

在閶門東粵人方還所築長洲沈歸愚德潛有記

萱園

在閶門外下津橋東清周謹所居乾隆元和志作萱
圃

小停雲館

在江村橋清處士王岡齡庭魁所構岡齡能畫藏弃

五十四

名跡頗多最愛文氏翰墨故以小停雲名其館後歸
袁氏

毛家園

在閶門外下津橋義慈巷明時吳縣毛貞甫理所建
中有礪庵因以為號貞甫為成化丁未進士授南京
工科給事中旋出參議山東陞浙江參政致仕林居
十年言官數論薦起南京鴻臚寺卿陞太僕進南京
右副都御史改撫治鄖陽巡撫乞歸卒年八十有二
園西即其宅也牌坊今廢

養素園

在閶門外楓橋下塘清醫士陳莘田所構今隔數十

餘年已成瓦礫場無有知其處者

江村草堂

在閭門外江村橋西為隱士譚廷銓所居廷銓安貧力學恭兄甚篤子文炳善承父志有詩文集行世

程文煥宅

在楓橋鎮清康熙間孝子程文煥所居於四十五年重建江村橋以利行人為梓桑造福口碑載道又在吳邑西脊山麓營構廬墓之所顏曰逸園右臨太湖左有茶山石壁諸勝每當梅花開時探幽尋詩者必到此處也

松鶴堂

五十五

在楓橋寒山寺前清吳縣殷斐仲所居吳江葉星期變有記

漁隱小圃

在閭門外江村橋清吳縣袁又愷廷構得諸王氏小停雲館原址改葺顏曰漁隱小圃袁枚王昶皆有記中有貞節堂竹柏樓紅蕙山房楓江草堂吟暉亭五硯樓夢草軒錦繡谷銀藤籜水木清華榭洗硯池繫舟柳江倚小山叢桂館芙蓉徑挹爽臺稻香廊漢學居等十八景

思適齋

在楓橋清元和顧千里廣圻所築由歙縣程瑤田書

額千里號澗賞嘉慶諸生受業於吳縣江聲穎敏博
洽通經學小學尤精校讐孫星衍張敦仁黃丕烈胡
克家秦恩復吳鼎輩先後延主刻書每一書刻竟必
綜其所正定者為考異或校勘記於後人稱精確其
持論謂凡天下書皆當以不校校之嘗以邢子才日
思誤書更是一通語自號思適居士有思適齋集卒
後其孫河之亦居於此

廣居

在閭門外寒山寺東清孝子元和戈小蓮富裏所居
小蓮幼工辭章以母老絕意仕進隱居其間左園右
史前花後竹校讀之餘繼以詩酒其心泰然自足其
身亦若寬然有裕遂取孟子之意名之曰廣居自為
記

五十六

冷香別館

在楓江清吳縣惠磐卿所居磐卿高祖士奇家於葑
門冷香溪後遷許墅磐卿卜宅楓江與戈載為鄰名
其室以誌先澤見翠薇花館集

一枝園

在楓橋清金壇段懋堂玉裁李廉寓居中有經韻樓
懋堂一字若膺乾隆舉人官巫山知縣引疾歸師休
甯戴震講求古義尤精小學有說文解字注六書音
均表周禮漢讀考儀禮漢讀考古文尚書撰異毛詩

詒訓傳經韻樓集等書

頤志堂

在閭門外洞涇橋清嘉定王鳳喈鳴盛光祿所居鳴盛號禮堂又號西莊晚號西江乾隆進士累官

內閣學士兼禮部侍郎左遷光祿寺卿告歸居此卅載鍵戶讀書絕不與當事交接治經以漢人為師撰尚書後案專宗鄭注亡逸者采馬融王肅注補之又撰十七史商確蛾術編詩學盛唐古文亦負重名有耕養齋集西江居士集卒年七十有八

顏佩韋宅

在閭門外江村橋明吳縣顏佩韋義士所居初吏部

五十七

主事周順昌乞假里居數詬詈魏忠賢忠賢聞而惡之遂誣順昌命逮入京順昌有德于鄉人比逮者至衆咸憤怒毆斃提騎巡撫毛一鷺飛章告吳人反已而言縛得倡亂者為佩韋及馬傑沈揚楊念如周文元等五人乃論大辟臨刑延頸就力曰為周吏部死何恨監司張孝流涕而斬之吳人感其義合葬于虎邱旁題曰五人之墓

三瑞堂

在楓橋宋時孝子姚諱所居有園亭頗足雅致家世業儒以孝稱其先墓嘗有甘露靈芝麥雙穗之異故以名堂蘇東坡來蘇嘗訪之且為賦詩

孫武子宅

在楓橋西南孫武子橋側春秋吳時孫武所居今其地俗呼孫家橋是也

水月亭

在閶門外馬鋪橋清周香嚴錫贊所築為其藏書處也

縹雲別墅

在閶門外江村橋清查某購諸袁氏故圃改葺別墅題曰縹雲門對郊原有樓翼然菜花盛放可以遠眺俗名菜花樓每當暮春三月主人必設筵觴詠簡邀文人墨客而為雅集

唐家園

在桃花塢後五畝園西今寶華庵北明宏治間為吳縣唐伯虎寅解元所治中有夢墨亭檢齋諸勝伯虎晚年課佛於桃花庵悔其少時所作瘞於庵之北戲表其塚曰此即唐六如之墓實瘞文冢也今好事者目為六如葬處且為胡纘宗墓碑以實之其墓乃在橫塘王家村也況是庵與宅本非一處庵在寥家巷而宅在庵北載明小志清順治初公元一千六百四十四年雲間沈明生從蘇得之構亭臺植竹木有池曰長甯跨池作亭曰蓉鏡又有夢墨樓六如亭明生精岐黃當時稱國手

準提庵

在寥家巷明天啟間楊端孝奉準提象於桃花庵因
易今名蓮峰上人嘗卓錫於此作準提庵八詠有跳
唐樓度雲橋瘞文塚然燈塔培蓮室擊竹軒醉月灣
諸勝清高宗弘曆南巡御製桃花塢詩云春日桃花
滿塢披六如圖尚有道詩長歌擬仿樂天白白俗謂
他信過之桃花塢為唐寅舊居自題桃花庵長歌其
意欲仿香山詩昔人即有白俗之譏若寅詩則更俗
而近於俚矣遂增闢天章閣即桃花仙館之樓道光
時圯改建平屋唐寅桃花庵歌刻石尚存壁間也按
孫星衍桃花庵碑云吳郡西北有桃花塢方志稱為
宋樞密章葉別業明唐解元寅築居於此後人遂誤
庵為宅矣今考桃塢別墅及唐解元宅皆在桃花庵
北也茲特更正以釋群疑

停雲館

在德慶坊巷今名曹家巷明長洲文徵明壁待詔舊
居人慕其高風遂以館名橋今所謂三條橋中之一
也吳中傳為佳話

懷星堂

在日華里即今三茅觀巷為明長洲祝枝山元明通
判所構按祝字希哲又稱枝指生弘治壬子舉人官
至應天府通判未幾致仕玩世自放工詩善書有前

聞記九朝野記蘇材小纂集略懷呈堂集

小漆園

在小曹家巷為明嘉靖間長洲張伯起鳳翼孝廉所
構池亭樹石其有幽緻縣令江盈科嘗題詩壁間至
今石刻備存時吳中皇甫四子沖泮汾濂俱有才名
張氏弟兄三人鳳翼燕翼獻翼繼起吳人語曰前有
四皇後有三張

真趣園

在酈季子巷今名李繼宗巷為明嘉靖間長洲吳南
夫一鵬尚書所治山塘有閣老廳北濠有蘭花亭蓮
花堰等勝跡清雍正初邑人趙成秩得之重加修葺
俗名趙園中有梅花亭拜石軒諸勝後為戲園元和
袁文綺學澗姑蘇竹枝詞云袍笏登臺勸客觴歌樓
舞館枕山塘人間富貴原如夢閣老廳高作戲場即
指此也

拙政園

在晏門內北街迎春坊明嘉靖中御史王敬止獻臣
以道觀廢址及大宏寺基地改構御史歿後其子好
擣菹一夕失之歸於徐少泉故吳中有花園令之戲
竇昉之比後人於清朝之十年賤售與海甯陳素菴
之遊閣老僅得二千金未幾陳緣事宅盡入官以駐
防兵圍封為將軍府園內有連理寶珠山茶一樹吳

梅村祭酒有詩紀之迨撤去駐防又改為兵備道行館既而為吳三桂壻王永康所居三桂敗事乃籍入官康熙十八年公元一千六百六十一年改蘇松常道新署旋復裁缺散為民居西為王皋聞顧壁斗兩富室分售居之繼嚴總戎公偉亦居于比未幾為葉太史士寬改名書園復歸程氏繼為沈觀察元振宅第旋即汪常博美基居之又為趙姓宅東歸蔣太守築改名復園春秋佳日名流觴詠有復園嘉會圖太守歿後非復舊時景象尋屬潘部郎師益及子比部昭營構瑞棠書庫嘉慶中為海昌查懔餘世從孝廉所得修葺年餘頓還舊觀旋又歸當潮吳崧圃璣協

揆及子觀察晉德家為質庫矣厥名吳園時其左右割為王葉兩園迨咸豐十年公元一千八百六十年太平軍光復蘇州忠王李秀成就園建忠王府工程未畢清兵陷城園復歸官暫作江蘇撫署同治十年公元一千八百七十一年改為八旗奉直會館仍名拙政園園西部份則為吳縣張月階履謙所有零建補園辛亥革命公元一千九百十一年都督程雪樓德全就園召開江蘇臨時省議會抗戰時期皆為敵偽所據勝利後為社會教育學校舍解放後為蘇州專員公署公元一千九百五十一年十二月蘇南人民行政公署為響應中央保護各地方古建築古

文化遺址革命遺跡之號召令將拙政園歸蘇南區
文物管理委員會管理並動工修葺至一千九百五
十二年十月初步工竣於十一月六日起正式開放
公諸人民作為文娛休憩之所並保存歷史名勝遺
蹟焉

橘林

在桃花塢貝信三寶墨庵及錢江會館之間為明吳
縣陸天爵倅郎中所闢天爵正德辛未進士官刑部
郎中抗疏諫武宗南巡廷杖被謫府同知後官刑曹
持法不避權幸出為寶慶知府有惠政尋棄官歸隱
桃塢種橘成林有故人來訪天爵方戴笠荷鋤接簡
而入易服而出晚為詩歌多不留草偶有存者入列
朝詩選

五峰園

在閭門下塘福濟觀後柳毅橋西明嘉靖間為長洲
楊莊簡成尚書所治有五石峰名高二丈疑即五畝
園中三老峰丈人峰觀音峰桃塢慶雲峰擎天柱所
移北間俗稱楊家園至今其地猶稱楊家園子巷

蘇家園

在閭門內後板廠明萬曆間為蘇懷愚御史所
治園西北濱河河堤盡植楊柳因名楊柳堤循堤而
西即蔡家橋風景絕佳後歸侍御李灌溪模改名密

庵舊築中有桃塢草堂芥閣諸勝初灌溪任明兵備道時祖大壽尚為微員有事當刑李解救得免迨清順治十六年海寇作難蘇郡有駐防之師領兵將軍即祖大壽也園封民房以居兵自婁門直至桃花塢寶城橋止聽出後殿一隅緣後殿李灌溪與祖有舊誼故祖以此報之李沒後吳人建祠奉香火顏曰老和尚堂從其志也後常熟孫赤厓孝廉晚年由塞北戍歸移居芥閣亦桃塢寓賢園今皆夷為菜圃為郡中菜花最盛處相沿俗呼北園吳縣沈洪生朝初侍讀有江南詞云蘇州好城北菜花黃齊女門邊脂粉膩桃花塢口酒卮香處處弄笙簧

多木園

在寶城橋北明萬曆間公元一千五百七十三年至一千六百二十年為鄉貢顧雲龍所築中多喬木故名後御史蘇懷愚即在其舊址改建云

寄傲園

在齊門外明長洲劉廷美珏所構園中纍石如山故又名小洞庭珏號完菴工書畫郡守况伯律鍾聞其才舉為吏不就正統中領鄉薦授刑部主事遷山西按察使僉事居官多善政有完庵集

東園

在閶門外下塘花步里明萬曆間吳縣徐大來泰時

同卿所築中有太湖石高三丈餘嵌空玲瓏中夜有
光名瑞雲峰相傳出自西洞庭為朱勛所采上有臣
朱勛進四字會靖康亂未進棄諸河濱後吳縣陳司
成家於橫涇之上堡治第宏壯按經藏數凡五千
四百八十間堂前峰石五座其最巨者曰瑞雲層靈
疊秀挺拔雲際誠巨觀也青鳥家或言類火形不利
宅主遂斷去六七尺猶高一丈餘初司成採自西洞
庭渡河舟壞沉一石并沉一盤百計不能起土人云
以泥築四面成堤用水車車水令乾凡用千有餘工
石始出盤竟棄不能舉其後歸之烏程董用均份宗
伯昇石至舟或教以檣易葉覆地地滑省人力用芻

萬餘斤南潯數日內芻為絕種載至前壞舟處石無
故自沉乃從湖心四面築堤如司成沉石時築岸成
堤架木懸索役作千人百計出之乃前所沉石盤非
峰也更募善泅者摸索水底得之一里之外龍津合
浦始為完璧咸怪異以為神計司成沉石時恰甲子
一周會宗伯罷官遂訖宗伯之世置而未壘者二十
餘年同卿泰來即宗伯之壻載以歸吳之下塘所壞
橋梁不知凡幾未幾同卿捐館五峰高卧深林茂草
中復四十年同卿子清之中翰竟起之不逾年而清
之死猶樹於廢圃屢經滄桑此石遂移入織造府至
今歸然獨存亦云幸矣

西園

在閭門外治坊浜東明徐工部容所構溶為太僕泰
時子太僕先闢東園故以西園名之旋捨園宅後歸
原寺在崇禎八年公元一千六百三十五年延茂林
祇禪師開山改稱戒幢律院後燬復於清光緒十八
年公元一千八百九十二年重建為戒幢律寺中有
大雄寶殿羅漢堂陳列五百尊羅漢塑像為江南所
罕有寺連園題曰西園一角有放生池池水清澈有
亭曰月照潭心石梁枕水九曲相通軒廳寬敞茗話
尤宜游釣其間俗塵頓釋洵佳境也

紫芝園

六十五

在閭門外上津橋明長洲徐振雅景文太僕少卿所
治葺創自乃祖默川翁翁為人疎直坦衷豪舉好客
樂義好施置田免里人之役多蓄書畫鼎彝名流哲
彥文酒過從園初築時文太史為之布畫仇實父為
之藻績一泉一石一棖一題無不秀絕精麗雕牆繡
戶文石青鋪綠金縷翠窮極工巧翁晚歲家漸旁落
使泉石薜蘿厚顏蒙耻凡若干年迨嘉靖丙戌以後
景文坐高華涉清要游者不敢闌入而後園始復為
徐氏有矣當是時翁歸然黃髮猶及見其孫貴顯然
後物其得於天者厚哉園凡若干畝居室三之池二
之山與林木磴道五之峰三十六亭四洞三津梁樓

觀臺榭島嶼不可計創於嘉靖丙午公元一千五百四十六年修於萬曆丙申公元一千五百九十六年俗所云假山徐正得名於此園也後因兄弟構大訟遂不能有盡售與項煜至崇禎甲申居民以煜從闖義憤付之一炬靡有孑遺幸賴王徵君百穀為之記以存徐家故實也

項家花園

在閭門外石磬巷明崇禎間吳縣項水心煜詹事將徐氏紫芝園改築俗稱項家花園廣藏古畫名畫水心為崇禎進士官至詹事李自成據京師與倪鴻賓馬素相約死節水心被門生黎志陞挾之以見自成遂受職自成敗竄歸被人執送留都繫獄以助餉得出後走四明土人執而沉諸河園亦燬於火

槐樹園

在南倉橋西七十步明皇甫信所治皇甫氏宋南渡時自朝那徙居以漢太尉食邑槐里樹兩槐曰槐樹巷四傳至信六世孫沖曾為居第記今園雖廢而巷名依然

墨池園

在清道橋南明吳縣孔昭文鑄侍郎園第後園有泉曰墨池相傳蘇文忠公曾洗硯於此因有是名中有碧蓮亭蘇公署榜後歸李氏園雖易主其地至今猶

稱孔副使卷

梧亭

在孔副使卷俗稱孔夫子卷即墨池園舊址明弘治間長洲皇甫世庸錄知府居治子冲濬沆亦居此中有晨燾樓為濬讀書處有亭翼然曰梧亭據梧吟詠塵俗頓消濬字子安嘉靖壬辰進士好學工詩負才名與兄冲弟沆濬吳人特稱四皇三張官至浙江按察僉事有皇甫少元集

月駕園

在西麒麟巷西三太尉橋明長洲皇甫子循沆所構沆為嘉靖己丑進士以吏部郎中左遷大名通判政

六十七

餘不廢吟詠尤工書法有百泉子緒論解頤新語皇甫司勳集後文學於叔夜治第即其園之一隅常熟錢簡棲希言亦居之繼為元和黃穀原均贊府宅

無夢園

在孔副使卷明長洲陳明卿仁錫祭酒別墅中有息浪見龍峰諸勝旁有又一村其宅在葑門內下塘有遠耀堂白松堂白松河南軒轅臺故物明卿奉使冊周潘玉以白松製帶贈之取以名堂按明卿號芝臺天啟壬戌探花授編修典誥勅以不肯撰魏忠賢鐵券文落職崇禎初召復故官累遷南京國子祭酒其性好學喜著書有繫辭易經頌重訂古周禮四書考

史品亦函古文奇賞蘇文奇賞等書卒謚文莊

郭氏別業

在閭門外長蕩東明郭少卿仁所築其址即歸原寺
舊基樓榭輝煌林木陰翳稱偉觀焉

息園

在因果巷即顧氏依園舊清金匱錢槃溪鋒參軍購
而葺之中有妙嚴臺相傳為梁簡文帝女妙嚴公主
葬此嘉慶十三年濬池得古碣是四至界牌知唐宋
時尚有防護也十六年又添建錢武肅以下五王家
廟于前北向有江蘇方伯慶公碑記

月湖別業

六十八

在婁門外北塘周和山南明孝子莫存義所建徐沂
記云孝子授徒養親舊地歲久圯為徑路今名莫家
街是也

竹梧園

在舊學前明長洲顧醉竹汝玉築中有亭池樹石之
勝復改為父子鄉賢祠祀汝玉子太保其志孫節愍
繩詒孝行廷錡謹祔載顧承錄按其志宅在苑橋巷

歸氏園

在苑橋巷石子街北明歸太學湛初所治洞石玲瓏
有堂顏曰米文後歸水部胡汝淳易顏曰洽隱山房
高酣亭

在天賜莊旁明長洲顧巖叟宗孟御史所築文文起
震孟閣揆題額清崇明施贊虞何牧吏部僑居於此
焚香吟詩翛然絕俗

雅園

在史家巷南一名榿林小隱明長洲顧小阮子成吏
部所構水木渟泓翛然絕俗中有虹橋春漲綠沼荷
香明致桐陰卧雲石壁渚閣朝煙荷亭晚霽爽軒叢
桂曲徑寒梅八景顧舜年廣文有詩詠之現溫家岸
范揆臣孝廉所購宅第即雅園一角故其門楣曰鄰
雅舊宅園雖廢久而其遺址至今猶呼雅園街

依園

在閭邱坊巷南清長洲顧嗣協大令所構以與父子
咸雅園相依得名有暢軒話雨軒學詩樓諸勝每集
騷人韻士為勝會金佻潘鏐黃份金賁蔡元翼曹基
與之往還酬唱最多時人稱為依園七子園廢尚有
依園里遺名

秀野園

在乘鯉坊為清長洲顧俠君嗣立庶常所築有秀野
草堂大小雅堂因樹亭野人舟閭邱小圃諸名額極
水木亭臺之勝俠君以風雅負天下望聚賓朋酬唱
於此性豪於飲時日為酒帝輯元詩選詩林韶濩注
韓溫詩自著有秀野集閭邱集葉燮朱彝尊並為之

記

芳草園

在齊門內定跨橋北石皮街明長洲顧青霞凝遠諸生築青霞為九思孫工畫於古今典籍無所不窺愛蓄商周秦漢法物一時名士多與之交至清初為長洲周靜善荃觀察所居康熙時崑山徐健菴乾學司寇得之乾隆初歸金明經傳經其半歸陸民更名康石山莊

寶樹園

在臨頓里石子街北本為明歸湛初米丈堂胡汝淳得之改為洽隱山房清初圯敗歸於長洲顧空五其

七十

蘊重事締構以多植山茶佳種得名李雯為之記其蘊本復社中人明亡後絕意仕進日與尤侗沈荃宋實穎輩飲宴賦詩以寄其志其孫東忠築安時堂於宅中並有結蘆草廬澄碧亭芥圃諸勝韓驥為之記庚申劫後安時堂歸機織局園亦荒廢俗呼顧家花園今猶存殘沼一區

鳳池園

在鈕家巷相傳周宣王時為春伯十六世裔孫吳武真第宅有鳳集其家中有池沼因名鳳池清康熙間長洲顧伊在沂中丞所居題名鳳池園伊在為天朗子號芝巖康熙進士累官河南巡撫坐事罷起歷宗

人府丞致仕卒有鳳池園集其後西偏剗歸吳縣潘槐堂世恩太傅世恩號芝軒乾隆癸丑進士授修撰累官體仁閣大學士加太傅直樞廷幾三十年年八十有六子孫科第踵武極人爵之榮卒謚文恭有思補堂集

按顧都憲沂鳳池園在鑿駕巷俗呼鈕家巷沂自中州歸得顧氏舊園重修治之益擅名勝沂自有記令其東歸陳大業易名省園蔣元益有記其西歸大學士潘世恩名仍其舊

淡園

在白塔子巷明長洲顧君甯國本貢生營構隱居不

仕日集名流詩酒其間國變後憂悒而卒私謚貞孝按園在西白塔子巷瓦片街以甃瓦為街故名

傳硯堂

在甫橋西街清長洲顧兆槐濟美中丞第宅中有吉金樂石之齋金粟齋吟香閣白雲深處心妙軒據梧樓諸勝濟美號怡齋由貢生官雲南通海縣有鐵面青天之頌陞嵩明州雍正時擢浙江鹽驛道乾隆時陞甘肅按察使調福建按察使旋擢布政使調廣東護巡撫篆卒於官

辟疆小築

在定慧寺巷蘇公祠旁俗稱小辟疆園為長洲顧湘

舟元明經所構湘舟為濟美中丞曾孫道光間官教諭收藏舊籍及金石文字甲於三吳庚申之劫其書盡為丁日昌所得其先世蒙世祖福臨頒賜古硯因顏所居曰賜硯堂輯刊賜硯堂叢書四集

怡園

在卧龍街尚書里清同治十一年公元一千八百七十二年元和顧子山文彬方伯所建園之東部本為明代吳匏庵寬尚書舊宅西部由顧氏擴充子山以顯性養壽乃名怡園中有玉延亭四時瀟洒亭坡仙琴館石聽琴室歲寒草廬拜石軒玉虹亭石舫鎖綠軒屏風三疊小滄浪螺髻亭慈雲洞抱綠灣絳霞洞

金粟亭藕香榭鋤月軒南雪亭梅林碧梧棲鳳遊窟舊時月色面壁亭畫舫齋松籟閣湛露堂諸勝安置妥貼疏朗宜人並能吸取各園優點融為一爐湖石玲瓏隨意點綴突破成規深得自然之趣由於年久失修顧氏裔孫自動捐獻國家蘇市人民政府重加修葺業已供廣大群眾游覽矣

洽隱園

在北顯子巷清長洲韓幼明馨徵君卜築購自歸氏廢園為栖隱地顏曰洽隱往來觴詠皆遺民逸士世艷稱之其中小林屋尤踞勝慨洞故倣包山林屋石林神鉦玉柱金庭無不畢具游其中者幾莫辨為匠

心之運矣繼歸倪方伯蓮舫咸豐辛酉年公元一千八百六十一年燬於兵燹

蕙蔭園

在臨頓路北顯子巷即韓氏洽隱園舊址清咸豐辛酉後合肥李少荃鴻章撫蘇時奏購為忠烈程公祠並築皖山別墅為安徽同鄉宴息之所時合肥蒯子範德模太守增構漁舫棕亭而張振軒撫吳少荃又續籌鉅款昇趙宗道從事修葺會寶應王幼軒凱泰中丞來作寓公題成八景曰柳影繫舫松蔭眠琴屏山聽瀑林屋探奇藤屋佇月荷岸觀魚石竇收雲棕亭霽雪現小林屋依然存在餘屋已為學校矣

歸田園

在婁門內迎春坊明季吳縣王純甫心一侍郎所創其西即陳相國之遴拙政園陳既敗更數主為葉蔣二氏所有土人競指歸田園為拙政園非也中有蘭雪堂泛紅軒竹香廊諸景古木參天池清石秀其後人彭齡商賢與商山吳伊仲聖鳳交時過從商賢沒後而園亦摧敗零落相傳王氏欲售於人屢矣輒見紅袍紗帽者隱約其間或呼嘯達旦似不能割者人亦莫敢得也據錢梅溪永履園叢話云余少時常見侍郎與蔣伯玉手札其時崇禎十六年之十二月廿四日書中言小園一花一木皆自培植乞分付園丁

時加防護云云其明年侍郎即歸道山宜一靈之不
泯耳今王氏子孫尚居其中者

按歸田園鄰拙政園王侍郎心一所構中有蘭雪
堂崇禎己亥築又有泛紅軒竹香廊諸勝今園已
廢而基址尚存

二株園

在周五郎巷為明李吳縣徐貫時柯諸生所築父汧
殉節後遂杜門不出四方賓從文酒宴會有貴公子
風尤長於詩兼工書法花木之感與范家園爭勝貫
時又有三千六百釣臺在臨頓路北亦其隱居處門
聯有第五司空不妄詣斛斯校書翻倒懸其室聯有

七十四

醕酌思中山千日突兀見廣廈萬間載諸瓜涇譜傳

醉穎堂

在寶林寺前東為明吳縣袁繩之祖庚憲副所構旋
為長洲文文起震孟相國第宅改名文衙衙有明綸
堂園中正廳即其讀書處鼎革後萊陽姜如農採給
事寓居更名敬亭山房中有棗樹數株其長子安節
添築思嗜軒仲子實節闢為藝圃有延光閣東萊草
堂罇飪齋念祖堂場谷書堂愛邁窩四時讀書樂樓
香草居紅鵝館六松軒改過軒繡佛閣響月廊度香
橋南村鶴柴朝爽臺垂雲峰乳魚亭諫草樓諸勝王
士禎陳維崧吳綺皆為賦詩汪琬為文記之後歸綢

業公所改名七襄重加修葺池中荷花尤為著名其種為太平天國軍人從湘移植更築博雅堂聽函堂雙聲室別鏡幽趣茲亦收歸市有矣

香草垞

在高師巷明長洲文啟美震亭中書就馮氏廢園營構對面即其曾祖徵明之停雲館也初徵明拓宅其間有百牕樓因四面皆牕故也至啟美添築四嬋娟堂繡鈇堂籠鶴閣斜月廊衆香廊玉局齋嘯臺喬柯奇石方池曲沼鶴栖鹿柴魚牀燕幕以至纖筠弱草益峰盆卉無不被以嘉名入清歸湖西主人陸純錫貢生居之後漸廢光緒間歸江甯鄧氏全非舊跡矣

七十五

圓嶠仙館

在懸橋巷初為明李高士徐元歎宅國變棄家入郭山讀書以其宅與外孫許眉叟改築圓嶠仙館精雅宏敞子陶村太史為雍正癸丑翰林乞假歸娶詩有還家圓嶠即蓬壺之句家居不仕以著書自娛曾孫也秋進士大鎡杜門授徒又營來鶴亭碧梧龕諸勝後歸諸生祝壽眉叟為琢園別業案許眉叟清初時變易姓名為沈洽入吳邑庠後復姓許氏見吳縣葉調生廷琯孝廉所著鷗波漁話

繡谷園

在閭門內後板廠清初長洲蔣樹存深刺史築初深

之祖垓成進士後隱居讀書偶課園丁雜草土中得一石有繡谷二字作八分書遂以名其園園中亭榭無多而位置頗有法相傳為王石谷手筆也康熙三十八年公元一千六百九十九年深嘗集郡中諸名宿作送春會坐中年最長者為尤西堂朱竹垞兩太史張匠門惠天牧徐徵齋諸先生尚為諸生畫師則王石谷楊子鶴方外則目存上人是時沈歸愚尚書年纔二十七居末坐賦詩作畫為一時之盛深子仙根亦耽風雅乾隆三十四年公元一千七百五十九年又作己卯送春會則以沈尚書為首座矣世傳張憶娘簪花園即於是圖作也嘉慶中為葉河帥觀潮

所得道光元年公元一千八百二十一年又歸南昌謝椒石學崇觀察作板輿之奉旋復為婺源王鳳生昶都轉所有先是蔣氏欲將是宅出售他姓猶豫未決為問于乩仙仙判一聯云無可奈何花落去似曾相識燕歸來是宋人晏同叔句也而不解其義迨歸葉氏則上句應矣後葉氏轉售于謝謝又售于王則下句應矣異哉此園雖屢易主而繡谷錢春韵事猶傳至今云

桃李園

在南濠談家巷興隆橋明某貴人葬此不敢起屋僅存一場尚有古樹一株載吳鶴書記

寒碧山莊

在閭門外花步里清嘉慶初東山劉蓉峰怒觀察移居于此園為有明徐同卿泰時東園故址園之東北有東園術怒性愛石園中聚奇石為十二峰曰奎宿曰玉女曰翳帽曰青芝曰累黍曰一雲曰印月曰獼猴曰鷄冠曰拂神曰仙掌曰干霄皆自為名而屬崑山王孟養學浩孝廉為之圖嘉定錢曉徵大昕宮詹題曰花步小築吳縣范翰尊來宗編修為之記同治十三年公元一千八百七十四年改建二程夫子祠

留園

在閭門外五福路俗稱留園馬路清光緒二年公元

七十七

一千八百七十六年武進盛旭人康方伯購得於東山劉氏仿袁子才枚太史得隋園曰隨園例音同字異易劉園名留園大加修葺有涵碧山房洞天一碧揖峰軒石林小院聞木樨香軒綠蔭亭半野草堂自在處遠翠閣佳晴喜雨快雪之亭花好月圓人壽軒仙苑停雲又一村亦吾廬又增闢東西兩園廣袤約四十餘畝俞樾太史為之記